


津田文庫
文庫 1
1521
45





麗體金膏卷八

拜賜集 補遺

南郊頌

職貢圖序

高祖武皇帝謚議

梁簡文帝法寶聯璧序

皇太子臨辟雍頌

為百寮賀雪表

賀老人星見表



梁蕭綱

梁蕭繹

蕭繹

梁蕭繹

梁徐陵

唐李嶠

唐李商隱

麗體金膏卷八日一

全

010190608226

姚州道破賊露布

唐駱賓王

進千秋節金鏡錄表

唐張九齡

辭學指南

宋王應麟

未四六摘句

國朝朱珪

賜紗扇筆墨等件謝摺

國朝朱珪

賜筆墨等件謝摺

國朝朱珪

賜玉如意貂皮褂謝摺

國朝阮元

謝

賜御筆熱河考並

御識墨刻一卷

謝

國朝阮元

賜御筆筆誤識過墨刻一卷

國朝阮元

謝

賜御筆兵部奏凱兵丁各歸營伍及福康安奏西藏善後事宜詩墨刻共二卷

南郊頌并序

梁蕭綱

臣聞惟天爲大聖人敬其德知幾其神聖人契其道
故龍宮弱言之后合揆於蒼昊烏紀垂衣之君昭格
於上帝莫不巍巍乎穆穆乎渙汗於綠篇氤氳於丹
冊者矣我梁皇帝之御天下也乘燦祇之盛曜卽璧
日之遐照等乾覆之壽養合坤載之靈長四三六五
之意十堯九舜之明名與功偕業將時並自撥亂反
正伐罪弔民馮玉几握金鏡君臨萬國於今二十有
二載也緯天維理地軸移澆風於末俗反淳正於區

中化不言而先顯教不嚴而已肅流落復雅遠符雲
韶之世隆禮還章非因忠信之薄九垓同軌四海無
波儲明變照儀天作雨三袞咸作叶化台光麴蘖王
風鹽梅帝載塵清世晏蒼兕無用其武功運謐時平
鶴鷺咸脩其文德桃林散甲華山優刃玉門罷候紫
塞沉鋒屠羊釣壑之士厭洗耳而襲簪佩版築藏嚴
之逸去燦穀而紆圻組異人俊父旣問出而在官世
鏡河仙亦雍容而廊廟蹇蹇同於多士諤諤比乎得
人五典三墨旣歲蕤於壁水九流入索亦繽紛於石

渠畫一之政萬邦表於時和三章之律百姓沐於仁
壽於是龍光之地日浴之鄉紫舌黃支頭飛鼻飲白
西自南無思不服欵關質子稱臣內向珠樹素禽越
火枝之地銀鑿邛杖踰沉羽之淚出赤野而連翩度
玄沙之泱泱於是嘉祥被衆瑞登金人澤馬丹甌玉
雞三角九尾四眉六足袖鋪地之九莖發端門之連
理參差於郊藪布濩於宮闕府無虛月史弗能記周
稱黃鳥之旗夏有玄珪之錫無以踰此嘉祥方茲總
萃道洽世昌國殷民阜鄉知舜讓邑比堯封委栗栖

畝神絲被澤。可謂我化若風。民應如草。我靜如鏡。物動猶煙。天子猶未明求衣。日昃不勸撤膳。匪躬詢輿。訪道鑿旗。徐動棄千里。而弗乘寶瑟。無虞捐百金。而不服廣行四等被。慈雨於枯根。大闡三朝驚法雷。於羣夢曲成萬物。去殺愛生。幽弊之民與蒼雷而共悅。否滯之義同谷風。而開行昆蟲得性。跂蠢欣生。三驅有緩前之禽。九明無餒獸之藥。至德之事如此。太平之風如彼。乃以恭肅神祇。理通孝敬。江左以來。爽遠未闢。爰命將作。揆日載營。三靈叶響。百工咸事。宛如

神造儼類。仙居冲秘。隱嶙跨千畝。於晉日開曠麗。遠吞七里。於漢年五達。四通廓郊。彌野南瞻。重嶽北眺。芒嶺東臨。灞漭西望。舊豐紆餘。委蛇邛陵。起伏澎湃。崑崙山川。異態飛梁。邃宇洞燭。穴懸紫殿。仙宮霞騫。烏翥霧映。倒梁日光。疎鉞玉桃。卷葉銀樹。抽芳百果。千株三珠。八桂朝葉。與蜜露共鮮。晚花與薰風俱落。露禽乍聚。望比翼之翔。翔歸飛時。宿闕同心之夜。響故以熊。熊灼灼炫。兩明而仰。七曜紛紛。沐沐承五煙。而帶三靈圓丘。閑靜紫壇。肅設五精之場。千神之位。

八階宏麗四維博敞宛若千仞狀懸流之仙館煥如
五彩同瑤山之帝壇石牒神昌之瑞方臻金縷飛光
之徵永固是推是琢鄙茅茨之爲倫非珠非玉啗甘
泉之已奢望昔方今獨高千古沿襲異等質文斯中
於是歲在單闕星次訾陬律中太簇日惟辛卯特有
事於南郊甸師清野封人撻宮朱幕夕峙帷宮宿設
曉漢斜陰挈壺升漏天子御玉輅動金根八驥揚衡
雙龍翼蓋雲罕徐迴鳴銜韻響風承豹尾目映鷓冠
萬騎天行千乘雷動石鎧犀衣之士連七萃而雲屯

皇圖炤灼帝篆葳蕤廓寥中代合聖與誰於錄我后
命世天飛玄默馭辯寂照秉真就雲握歷望日臨民
謙光履德義禮稱珍車書同軌天下歸仁期章孔備
盛化宏道酌衢敬賓欽賢愛老變正是珍燭車非寶
如海之深如日之杲肅恭明神迤聽前踵配天道尊
迎陽義重玄酒陶匏燔柴雲聳跨舞論韶籠堯稱拱
赫矣郊宮載惟靜謐肅肅禁圍陰陰仙室六戎列野
八鸞照日架殿星羅重宮霧出蒲萄金橘靈壽木難
表禁開暑貞檜陵寒山池壯麗階閣彤彤丹葉垂疊雨

花落重巒康哉盛德美矣世豐三辰炳耀七政永隆
五方來洎四隩茲通懸繩度筭駕鹿追風既隆懋化
復覩瑞滋金車出野玉露霑墀紫粦神草華平瑞芝
長愉汪歲永固雍熙照天漏快遠肅邇睦惠靡齊民
恩彌比屋式光惇史踰斯郁郁皇哉康哉同斯景福

職貢圖序

梁蕭繹

竊聞職方氏掌天下之圖四夷八蠻七閩九貉其所
由來久矣漢氏以來南差旅距西域憑陵創金城開
玉關絕夜郎討日逐都犀甲則建朱崖聞蒲萄則通

大宛以德懷遠異乎是哉皇帝君臨天下之四十載
垂衣裳而賴兆民坐巖廊而彰萬國梯山航海交臂
屈膝占雲望日重譯至焉自塞以西萬八千里路之
峽者只有六寸高山尋雲深谷絕景雪無冬夏與白
雲而共色水無早晚與素石而俱貞踰空桑而歷昆
吾度青邱而跨丹穴炎風弱水不革其心身熱頭痛
不改其節故以明珠翠羽之珍細而弗有龍文淨血
之驥卻而不乘尼邱乃聖猶有圖人之法晉帝君臨
寶文樂賢之象甘泉寫關氏之形後官玩單于之圖

臣以不佞推轂上游夷歌成章胡人遙集欵關蹶角
沿泝荆門瞻其容貌訴其風俗如有來朝京輦不涉
漢南別加訪採以廣聞見名爲貢職圖云耳

高祖武皇帝謚議

梁蕭繹

臣聞翼善傳聖曰堯仁聖盛明曰舜受禪成功曰禹
除虐去殘曰湯謚者行之跡號者功之表雖賤不誅
貴卑不誅尊而彰乎名者盛德之嘉號也被於物者
治定之實錄也斯所以聲明煥乎鍾石昭晰備於絃
管者焉伏惟天縱欽明惟睿作聖功超三五聲踰七

十御之彌高就之彌遠載潛載躍乃武乃文先是木
運告終羣后改屬乾維罔構地紐如崩禘祀玷危公
卿肝食九牧有淪胥之悲八表與橫流之歎乃凝威
黑水表瑞丹陵雲合景從表裏禔福受終文祖允恭
克讓知黔首不可以無歸蒼生不可以無主降汾陽
之遠志不得已而臨之於是類帝裡宗革命創制禘
郊式展殷薦新潔臨茲大寶化與和氣俱宣扇此王
風政與秋霜並肅言懸日月功格區宇不以紫宸爲
貴不以黃屋爲尊政謚刑措民殷國阜虹旌式卷堡

燧載清霄象相因環楛無曠天衢亨泰王道升平南
海候風東溟奉貢膏露凝枝慶雲觸石山開蒼壁地
出玄珪驃騎把鉞則休屠款塞太尉抗旌則名王蹙
角聲教所漸浹靈蛇之都威令所行通燭龍之外開
庠建序布濩於成均正俗移風氛氲於司樂虛納十
亂引諒直之規廣闢四門宏招賢之德青衿知擊壤
之性黃髮恣鼓腹之歡加以鑽味微言研精至道文
終所攷之典史倚所讀之書無輟萬機日且千遍馳
郁郁之聲表乾乾之德允所謂皇哉君哉日用而不

知者矣方且告成岱嶽鏤升平之玉簡昭事梁甫秘
禮音之金繩而文王明夷事侔往冊黃帝橋山痛深
前典萬有淪傷三辰掩曜人祇軫慕山海含情悲切
陟方哀深遏密煩寃荼毒貫切心髓風樹不靜陟岵
何期思所以欽若九功仰稽七德

梁簡文帝法寶聯璧序

梁蕭繹

竊以觀乎天文日月所以貞麗觀乎人文藻火所以
昭發况復玉毫朗照出天人之表金牒空解生文章
之外雖境智冥焉言語斯絕詠歌作焉可畧談矣粵

乃書稱湯誥篇陳夢說昔則王畿居亳今則帝業維揚功施天下我之自出豈與姚墟石紐譙城溫縣御龍居夏唐杜八周而已哉皇帝垂衣負屨辨方正位車書之所會同南暨交趾風雲之所沾被西漸流沙武實止戈秉宜生之劒樂彰治定滅庖犧之瑟相兼二八知微知彰將稱四七如貔如虎寧俟容成翠屋之遊廣成石室之會故以宗心者忘相歸憑者常樂昔轉輪護法南宮有金龍之瑞梵天請道東朝開寶益之祥盡善盡美獨高皇代古者所以出師八保冬

羽秋籥實以周誦幼冲用資端士漢盈未學取馮通議大傳之論孟侯小戴之談司業山川珍異俟郊迎而可知帷幄後言籍墾田而求驗以今方昔事則不然我副君業邁宣尼道高啓筮之作聲超姬發寧假下蘭之頌警衡華之峻極如渤澥之波瀾顯忠立孝行修言道博施尚仁動微成務智察舞雩分封義爰初登佳明試以功德加三輔威行九流董師虎據操鉞蟬冕津卿濟沈物仰平分之恩沂岱岷岷民思後來之政陳蒼留反裘之化淮海高墨幘之聲威漸

黃文化行赤谷南通舜玉北平堯柳朝鮮航海夜郎
款塞然後體道方震雨施雲行漢用戊申晉維庚午
增暉前曜獨擅元貞恩若春風惠如冬日履道爲興
策賢成駟降意章編留神細帙許商算術王圍射譜
南龜異說東馳雜賦任良奕棋羨門式法箴興琴劍
銘自盤盂無不若指諸掌尋涇辨渭重以鳳豔風飛
鸞文鳳豎織者人無倫大者含元氣韻調律呂藻震
玄黃豈俟取證彥先詢聞雅王至於鹿園深義龍宮
奧說遠命學徒親登講肆詞爲憲章言成楷式往復

王粲事軼魏儲酬答蔡謨道高晉兩似懸鍾之應響
猶衢鐔之待酌率邇者踵武迤聽者風聲是使金堅
秘法寶冥夕夢無懷不滅華胥夜感自非建慧橋明
智劔薰戒香沐定水何以空積忽微歷賢劫而終現
黍累迴幹蘊珠藏而方傳加以大秦之籍非符八體
康居之篆有異六爻二乘始闢警馬傳兔一體同歸
棄犀宗象潤業滋多見思平積本有疑邈了正相因
雖談假績不攝單影卽此後心還蹤初焰俱宗出倒
蓮華起乎淤泥並會集藏明珠耀於貧女性相常空

般若無五時之說不生煩惱涅槃爲萬德之宗無不酌其菁華撮其旨要探彼玳鱗拾茲翠羽潤珠隋水抵玉崑由每至鶴關旦啓黃綺之儔朝集魚燈夕朗陳吳之徒晚侍皆仰稟神規躬承睿旨爰錫嘉名謂之聯璧舍珠而可擬璧與日而方升以今歲次攝提星在監德百法明門於茲總備千金不刊獨高斯典合二百二十卷號曰法寶聯璧雖玉杯繁露若倚蒹葭金臺鑿楹似吞雲夢繹自伏櫪西河攝官南國十迴鳳瑄一奉龍光筆削未勤榮卜商之序稽古盛則

又斬安國之製謹抄纂節位陟諸左方

皇太子臨辟雍頌

梁徐陵

臣聞天大王大詳於道德之言天文人文顯於爻象之說是以大君革命黔首所以庇焉聖人創物文籍所以生焉咸由此道制爲民極莫不對越上靈裁成庶類濟世育德昭彼昆蟲皇帝世膺下武體茲上德握天鏡而授河圖執玉衡而運乾象皇太子耀彼重離光茲七鬯儀天以文化成天下侍中國子祭酒新安王宗室羽儀衣冠準的惟善爲樂造次必儒粵以

十一年三月二十一日受詔宏宣發論語題攝齊升
堂摠衣卽席對揚天人開闢大訓清言旣吐精義八
神副德爰動音口鋒起問難泉涌辨論綸之異定倫
理之疑玉振鏘鏘雲浮雨布介王奉繫聖蹤馳辯秀
出信令張禹慙其師法何宴忸其訓詁穆穆焉洋洋
焉此實虞朝之盛德生民之壯觀者也臣抑又聞之
魯頌聿興史克宣其懿晉雍大啓王虞逞其詞所以
述休平之風湯君上之德輕以下才敢爲頌曰
皇運勃啓膺圖受命紫蓋東臨黃旌南映積仁累德

重明疊聖四海無浪三階已平儲駕反止和鸞有聲
宏風講肄崇儒肅成丹書貴道黃金賤籛沫泗興業
闕里增榮



為百寮賀雪表

唐李嶠

臣聞至道光被而冲和感發玄化沉潛而祥物昭應
 伏惟陛下合德天地齊光日月陶正氣之靈氣降元
 符之盼蠻用能經緯六合驅馭百靈善施法宮而品
 物清晏揆景中土而風雨休若三元肇革九陽初動
 撞黃鍾而布氣順玄冥而率職層陰候律豐澤順時
 蒼蔚方興起泰山之膚寸參差薦委自平地而盈尺
 銅街皓其如素金隄紛其遂滿榮樓棲檻疑璧臺之
 九重落絮飄花似芳林之二月豈唯洛神呈象來舞

帝宮故亦海騎相趨下朝僊闕東臯欣而望歲南史
慶而書祥萬寶登秋居然可詠雙銅叶唱卽事非遙
自非睿感通微乾心輔德何以降神靈之滋液發兆
庶之歡慶臣等恭承玄造沐浴太和欣聖澤之滂沛
對天休而踴躍

賀老人星見表

李商隱

聖惟合德坤實效祥必垂有爛之文以表無疆之壽
臣聞玄象示人昊穹凝命曜爲經而宿爲紀則有常
名斗挹酒而牛服箱或標虛號未若候時而出有道
則彰居五福之先在三辰之列伏惟陛下昭明老契
游泳莊寰屆是中秋呈茲上瑞况見於午位又屬寅
時仰考玄符乃有深意自南耀彩將弘解愠之風近
曉流光欲助無私之日皇心載裕靈鑒孔昭凡居率
土之濱皆慶後天之壽臣誤蒙重寄實遠清光送玄
燕於梁間傷時自切望白榆於天上厥路無由

[Faint bleed-through text from the reverse side of the page]

姚州道破賊露布

唐駱賓王

尚書兵部臣聞北極列象六合奉天子之尊南面乘
乾一統成聖人之表是知衣裳所會義有集于殊隣
霜露所由誠無育于異類故塗山萬國誅後至者防
風丹浦一戍緩前禽者就日然則利弧矢以威天下
法雷霆以震域中四時行焉天道不能去煞五兵備
矣皇業所以勝殘雖義切救焚苟順時以濟物恩深
祝網不獲已而用兵伏惟皇帝陛下登翠嬀以握圖
靈紫微而正象立功不宰混太始以凝神至道無疆

佇華胥而得夢闡文教以清諸夏崇武功以制九夷
環海十洲通波大液之水鄧林萬里交影甘泉之樹
反踵穿胷之域襲冠帶以來王奇眩僭耳之會奉正
朔而請吏逆賊蒙儉和舍等淨竹遺音沉木餘苗豈
殊禮義之鄉人習貪殘之性日者皇明廣燭帝道遐
融頰亦削左衽而被朝衣解椎髻而升華冕而豺狼
有性梟獍難馴遂敢亂我天常變九隆而背誕負其
地險攜七郡以稽誅播亂邊疆被被州郡是用三門
投律長驅無戰之師五月渡瀘深入不毛之地去月

二十日軍次三朶箐鎮前後捕得生口知守捉山差
傍山連結十部蠻有徒五萬衆此山卽南中巨傍也
崗巒千里西通大荒之郊溪谷萬重南極炎州之境
聳喬林而掙月陰靈有假道之標拔崇巖以隱天陽
烏迴無翼之地峯危束馬路絕回車賊踞臨代之形
垂建鉞之勢徵風召雨蝟起蜂飛駟雜種以挺突封
狐十里肆沉黎而作孽維虺九頭臣以爲制敵以權
柔遠者理成於德教伐叛以義決勝者不在於干戈
於是廣布朝恩恭宣帝澤申之以安撫曉之以存亡

信重蠻陬。無負黃龍之約。賞隆漢爵。不踰白馬之盟。地接周驪。詞屢彈于喻蜀。俗通盤飴。聲不輟于吠堯。臣遣左二軍子總管寧遠將軍前守右驍尉井陘縣開國男劉玄暉等銜枚遠襲。卷甲前驅。偃危旆而設潛兵。疑從天落。乘間道而掩不備。若出地中。又遣右二軍子總管明威將軍行左武衛翊府郎將高奴弗率左武衛天水府折衝都尉張仁操等陟南山之南。衝其要害之路。又遣左一軍子總管前後金吾衛翊府郎將孫仁感率府左畏毅都尉王文雅等凌北山。

之北。絕其飛走之途。賊首領楊虔柳諾設弄諾。暨期等振螳頭之力。拒轍當輪。縱蚊蚋之羣。彌山滿谷。劉惠基高奴弗孫仁感等竝忠勤克著。知略遠聞。識明君之重恩。輕生有地。提太阿之神劍。視死無時。彎弧而兇黨土崩。舉刀而妖徒瓦解。雖危若沸鼎。未窮梟首之誅。救死扶傷。獨致析骸之變。二十日。臣遣副總管兼安撫副使定遠將軍前左驍衛府中郎將令狐智通率右武衛良將壯府左果毅都尉韓惠德等擁貔豹之雄。順天機而左轉。遣副總管兼安撫使守銀

州刺史李大志率前左衛靜福府果毅都尉陳宏義等率犀象之卒乘地軸以右迴又遣行軍司馬守備州都督府長史梁侍辟率守金吾衛宜昌府果毅都尉閻文成等總投石拔距之林蹈中權而撫其背又遣前守右威衛龍西府果毅都尉康留買等勝躍截歛金之騎犯前茅而扼其喉臣率守衛清官府左果毅許懷秀等橫玉弩以高臨挺金鉞而直進玄雲結陣影密西郊赤日揮鋒氣橫南斗飛塵埃而布地白日爲之晝昏積氛禳以稽天滄溟爲之曠色兵交刃

接鳥散魚驚自卯及申追奔逐北斬首千餘級轉戰三十里激流膏而爲泉似變萇宏之血委亂骸而擠壑若泛鼈靈之屍旣而照盡高春雲昏乙夜賊乃收集餘衆保據重巖臣度彼遊魂慮其宵遁彼三軍齊進四面合圍二十三日乘魚爛之危啓地形之陣揚麾誓衆仗節訓兵一鼓先登賞必懸於芳餌九攻失律罪無赦於嚴誅五部材雄三河俠少或生居燕地尤工卽墨之圍或家本秦人早習昆明之戰叱咤則江山搖湯慷慨則林壑飛騰舉鵬力以揚威耀犀渠

而賈勇澄氛除禘同夏景之潰春冰滅迹掃塵若霜
風之捲秋籜戰踰百里時歷三朝前後生擒四千餘
人斬首五千餘級柳諾設弄楊虔等殞元行陣懸首
旌門蒙儉和舍等委衆奔馳脫身鋌險雖復刑以止
殺丁壯咸伏於誅夷禮不重傷班白必存於寬宥昔
魏臣賦蜀徒聞蒟醬之奇漢使開邛纔通竹杖之利
豈若膺紫泥而弔伐指塲徼以臨戎一戰而孟獲已
擒再舉而哀牢授首斯竝皇威遠暢廟算遐宣奉立
猷以配天徒知帝力掩望輿而闡地豈曰臣功不勝

慶快之至謹奉露布以聞

進千秋節金鏡錄表

唐張九齡

臣九齡言伏見千秋節日王公已下悉以金寶鏡進獻誠貴尚之尤也臣愚以謂明鏡所以鑑形者也有妍蚩則見之於外往事所以鑑心者也有善惡則省之於內故皇帝鏡銘云以鏡自照見形容以人自照見吉凶又古人云前事之不遠後事之元龜元龜亦猶鏡也伏惟開元神武皇帝陛下聖德之至動與天合本以全於道體固不假於事鑑然覆載廣矣無所不包聖道冲虛有來皆應臣敢緣此義謹於生辰節

上事鑑十章分為五卷名曰千秋金鏡錄雖聞見褊
淺所擇不深至於區區效愚其庶乎萬一不勝悃款
之至謹言

王海辭學指南

宋浚儀王應麟伯厚甫編

後學石門馬俊良嶸山摘抄

杜牧之曰文以意為主氣為輔以辭采為兵衛
歐陽公曰為文有三多看多做多商量多

西山先生十二體所急者制表記序箴銘贊頌而已
若詔誥則罕曾出題檄露布又軍興方用皆尚可緩

語忌

鄧潤甫撰龍興節祝壽詞用負黼宸憑玉几岑象求
云非所當用以祝壽劉嗣明作皇子剃胎髮文用克

長克君之語吏持以請曰內中讀文書最以語忌爲嫌既剋長又剋君殆不可用也嗣明亟易之陳述古草明堂赦文用奉祠紫宮語犯俗嫌陳去非草朱勝非起復制用方宅大憂言者以爲事涉人君陳自明草石相制用昆命元龜倪正父謂人臣不當用乞貼麻又職詞用故國之有世臣雖有孟子出處後來引用多以爲不祥事宜曰天生賢佐國有世臣便無瑕疵矣詞臣草貴妃制用釐降二字侂冑制用聖之清聖之和皆犯公論基北海草吳玠制云陸海神皇既

失秦川之利銅梁劍閣敢言蜀道之難辛炳奏玠方屏翰四川乃云既失秦川之利乞改正母使遠方大將重以爲忌遂改秦川爲秦中德壽宮慶典吳挺之客草賀表有揚命二字蘇熙之曰導揚末命此顧命申語奈何用之洪景盧紹興中作謝歷日表一聯云神祇祖考旣安樂于外廷歲月日時又明章於庶證乾道中外都采取用之洪曰今光堯在德壽所謂考者何哉張文潛謝表用我來自東彭汝霖謂表用我字大無禮洪景盧草葉顯制曰無以我公歸兮大慰

瞻儀之望本意用公歸之句指邦人而言也故云瞻儀而單時疑之謂人君而稱臣爲我公楊文公於契丹答書用鄰壤交懽不免以字嫌又嘗戒門人爲文宜避俗語旣而公作表云德邁九皇門人鄭戩曰未審何時得賣生菜公笑而易之開禧用兵詔諭天下首聯云四夫無不報之仇何其陋也劉炳章嘉王制用烝烝孝友之風言者謂烝烝之語何自而出始誦書者皆能知之命辭立意如是可乎汪彥章草赦書云八世祖宗之澤豈汝能心一時社稷之憂非予獲

已議者謂并道君數之不應曰祖宗信乎作文之難也

陸士衡曰謝朝華於已披啟夕秀於未振 銘樽約而溫潤箴頓挫而清壯頌優游以彬蔚 要辭約而理舉故無取乎冗長 立片言以居要乃一篇之警策雖衆辭之有條必待茲而效績

文心雕龍曰風骨乏采則鷲集翰林采乏風骨則雉窟文固若藻耀而高翔固文章鳴鳳也 鎔治經典之範翔集子史之術洞曉情變曲昭文體然能萃甲

新意彫畫奇辭 才有天資學謹始習 跡梓染絲功
在初化器成采定難可翻移 悟者文之經辭者理
之緯 才為盟主學為輔佐 善為文者富於萬篇
貧於一字一字非少相避為難也

尹師魯曰文忌格弱字冗

詩書須節一逼以備四六之用長句作一處節如乃

不在王室學有緝四字作一處如這用有成熙兩字

熙於光明之類作一處如疇咨若時

燕及之類謝景思曰四六全在編類古語唐李義山有金鑰宋

景文有一字至十字對司馬文正有金粹王岐公最
多

制辭須用典重之語仍須多用詩書中語言及擇漢

以前文字中典雅者用若晉宋間語及詩中語不與

者不可用詩語雖不可用亦有可用者如杜詩魏晉

以來文史中語間有似經語者亦可於制中用但其

間名臣非人共知者不必稱引以為故事如呂蒙陸

遜固有盛

必引 後村劉公曰四六家以書為料料少而徒恃才思未

免輕疎料多而不善融化流爲重濁二者皆失之
李公父欲應詞科西山指竹夫人戲曰試爲進封制
可乎公父未聯云保抱攜持朕不安丙夜之枕輾轉
反側爾尙形四方之風西山稱賞
迂齋樓公曰經句對經句如在武丁時作召公考惟
汝一德于今三年天維顯思民亦勞止有能奮庸爰
立作相經營四方飲御諸友之類固是天造地設若
萬人留因對三事就緒雖以史句對經句緣有氣勢
所以不覺

北海督府訓辭尤爲宏偉有曰盡長江表裏之封悉
歸經略舉宿將王侯之貴咸聽指揮

水心曰荆公取經史語組織有如自然謂之典雅自
是後進相率效之

西山先生曰辭科之文謂之古則不可要之與時文
亦負不同蓋十二體各有規式曰制曰誥是王言也
貴乎典雅溫潤用字不可深僻造語不可尖新制詞
三處最要用工一曰破題要包盡題目而不露露
句體二曰敘新除處欲其精富而忌語太繁推原所
爲之官

除授之意用古事為一聯尤好如黃侍郎步軍制法黃帝之兵充願為營之重資漢人之技莫如用步之

強景三曰戒辭於戲而下是也用事欲其精切須費

與古語為聯切于本三處乃一篇眼目燈窓平日用

工先埋會此等三處場屋亦然三處占工既多則他

處不逮無害如一處弱則他有妙語無益三處稱停

篇工夫十占其六七矣考官去取亦多以此較優劣

不可不知至于其官某以下謂之褒辭文武宗戚皆

可預備則若夫褒辭則亦須切當文武宗室各用得

體平時先要準備

周益公曰韓退之崔群戶部侍郎制初云地官之職

尤難凡命版曹何嘗不主理財惟退之先及邦教而

以經賦二字終之深合經旨

謝景愚曰開寶幸西京詔曰豆籩陳有楚之宜黍稷

奉惟馨之薦不以籩豆有楚對黍稷非馨時人許具

柴秦壇國裁翦○起句云定鼎洛邑我之西都燔

之大事

周益公擬加上尊號詔其頌太上皇帝云以德行仁

本性誠之固有修文偃武合經緯之自然太上皇后

云月齊日以得天而能久照坤順乾而配地是以廣

生。七再三稽獎。謂數句用經語。該括明備。非卿不能

為真大手筆也。倪正父為上壽皇帝。壽成皇后尊號詔云。率百官若帝之初。不講非常

之禮於萬年受天之祐。幸迺滋至之休。

代高麗王謝賜燕樂表

孫覲

十行賜札。誕彌遼海之邦。萬里同文。普聽均天之樂。

起頭若如第二人止說。罷遠邦之說。則弱而無力。故用此意。而擇語言。換轉十行賜札。萬里同文。是也。

才讀此兩句。俯慚虛受。中積愧懷。伏念臣錫壤三韓。便見大體。

襲封四郡。環居島服。習聞夷靺之聲。仰睇雲門。實眩

咸池之奏。先說遠夷。不足以知雅樂。而後敘作樂之盛。受賜之寵。凡四夷受賜表。皆可倣此。

方重華之土。泊躋累洽之閔。休監二代。以敷文命。

瓊而制樂。登歌下管。天地同流。鼓瑟吹笙。君臣相說

此表警句。全用經句。而復典麗。大凡詞科。四六須問有此一兩聯。則易入人眼。王志古亦云。種角並

揚慶君臣之相說。頌送奏與天地以同流。事亦與孫仲益同。但不合不全。故弱此不善言。加賁

鹿茸之饗。輔成魚藻之歡。有懷疏逖之臣。亦預分

之數。玉帛萬國。于舞遍格。於七旬。簫韶九成。肉味遠

忘。於三月。仰止祝將之賜。鬱然食侑之光。驟此叨居

未始無前。比茲蓋伏。遇皇帝陛下。躬持慈寶。丕冒仁

天。通道八蠻。坐致遠人之悅。同符五帝。肇聞古樂之

興出大晟之珍藏作朝鮮之榮觀兜離一變慈惠均
歡蕩蕩乎無能名雖莫見宮墻之美欣欣然有喜色
咸與聞管籥之音稽首拜嘉周邦來賀臣敢不服膺
睿獎謹度遐方仰九門之句傳徒起戴益之望與百
獸而率舞但深傾藎之心

此表辭意俱
勝可為定格

代宰臣以下賀日有五色雲表 秦 檜

聖主當陽庶寮際千齡之運卿雲抱日清臺古五色
之祥景曜觀瞻歡均率溥竊以仰模乾象懋建國經
君德無私明有同於日照臣職匪懈勢有類於雲從

竊以下說君德臣職之意極
好大凡祥瑞表須如此推源惟心合而益章則效降

而靡忒乃如今日允謂昌期如蓋如盤方顯照臨之
用非煙非霧共呈承戴之華諒非此道之默運孰致
彼蒼之昭假稽諸往謨實未前聞歷候躔離但書於
合璧慶符震育徒擬於圓車當知上瑞之難全必待
盛時而畢見是為常道匪曰私親伏惟皇帝陛下揆
道統天膺時御極體聰明而燭物需需澤以懷人上
說日下句說
雲極有工輝光發衷德又新而無蔽臣鄰效力職
布列而俱宜休矣祥開灼于貺施臣等假寵惟舊常

依日月之光委質何功偶際風雲之會

大凡題目中
字須是兩聯

俱用則
停當

誓勤靡薄永介昭明

如縣薄亦是雲
昭明亦是日

帝表長

瞻固已傾心於就望官名久正毋庸紀號於青黃

花英華慶雲抱日賦云臣如雲若如日又黃雲捧日
賦云日者君之德雲者臣之狀彼無私以陛下此端

誠而奉上此表
命意蓋本於此

代守臣謝賜御書周易尚書表

湯思退

宸章帝藻粲如琬琰之傳神畫聖謨較若天人之備

此表頭補畫聖謨及天人之備便見易與書也啓函拜
之意如此方切題不可汎汎說御書經書也

賜拭目知榮藉以注始四營莫辯平易文兼五典皆

聚此書續東魯之章編發先秦之竹簡意廣大而執

測辭顯噩以莫窺其在累朝以為古訓故宣帝立梁

邱之學豈董蓀茲之談彼明皇視洪範之篇徒改陂

頗之字

蓀對映
頗亦工

未有留神乙夜探頤前經刪妄論

於九師掇微言於四代寫之縑帙示於薦紳體飛動

於龍鸞義昭回於星斗月將日就彰聖學於祗勤墨

妙筆精竦侯藩之瞻戴懋乃非常之績屬我中興之

朝恭惟皇帝陛下識際道真行高世表垂衣裳而致

治蓋取乾坤廣視聽以御圖一似堯禹故此躬行之

至見乎心畫之間

蓋取乾坤一似堯禹上句說易下句說書與前表說雲說日之意合

而工則

教兼被於臣鄰賜不殊於中外祕書深刻已

參淳化之孝經方國咸頌遠陋漢光之手札

固可用不若更

尋親切事用之為能

臣叨分符竹獲觀寶奎

對未八法難如徒

驚端勁道偉之狀一圻所治願布精微疏通之風

表斷句須要有力如洪景盧但驚奎壁之輝從天而

下莫測龜龍之祕行地無疆

羅疇老代高麗脩貢表全篇皆穩其間一聯云地瀕

日出每輸傾藿之心天濶露零亦被蓼蕭之澤二事

人用之極熟此聯稍變言語遂為佳句大抵用事當

如此不然則沉濫雷同矣其斷句云矢來肅謹用昭

遠慕之誠已掛扶桑永荷誕敷之德亦好

林虞謝脩都城記表全篇皆好但斷句無力其中云

天造地設示根本於華夷陽曜陰藏壯規摹於今古

警句也

一表中眼目全在破題二十字須要見盡題目又忌

體貼大露如何蜚慶雲瑞粟野鸞成繭表用參著兩

儀之瑞五色雀瑞麥瑞芝用賸珍符於動植

便見三者分明

安南國謝加恩并賜對衣金帶鞍轡表用式兼名器之榮蓋只用兩字該盡題目最可法也貼題目處須字字精確且如進書表實錄要見實錄不可移於日曆國史要見國史不可移於玉牒乃爲工也

進書一門諸書體製各不同玉牒乃紀大事之書國史乃已成紀傳之書實錄乃編年之書實訓則分門日曆則繫日會要則會粹各是一體若出進玉牒表須當純用玉牒事不可以他事雜之舉此一端其餘皆然若汎濫不切可以移用便不爲之矣

類若非素備寧免荒疎須將歷代夷狄傳本朝會要參考則得之矣

代嗣高麗王修貢表俱是先說襲封方及來王之意惟第一人黃符先說本朝首聯云仰被王靈獲承基緒敬修臣職敢後要荒羅崎曰中國明昌適際聖神之運遠方奔走宜修臣子之恭雖不及嗣王之意亦以首言中國遂爲第二

宣和取燕山羣臣稱賀令一館職作表仍語以燕人悅則取之一句不得手使其人搜經句欲對不得王

初察日何不曰昆夷維其喙矣遂用之

胡亥修代謝賜御製御書夏祭神應記表曰聖謨煥發紀休應於柔祇宸翰昭垂霽履恩於邇服第二人便說御書不甚分明

歐陽瓌謝賜御製宣德樓上梁文表曰端門層觀可梁鬱起於中天奎書寶章芝檢驟來於清禁首聯雖見賜宰臣之意而奎畫寶章芝檢不無稱疊矧是御製不應用奎畫芝檢此所以爲第三人也又曰相周王之考室初無補於涓埃仰虞帝之作歌乃獲窺於

大抵表文以簡潔精緻爲先用事不要深僻造語不可尖新鋪敘不要繁冗此表之大綱也

表有賀有謝經筵進講有進貢有進書其體頗不同除單題易區處有總數事爲一題者破題須包盡至於瑣碎工夫尤爲繁多且如出一頁册表非冊中有五六件册寶如何展布得一篇又有不可測者如宣和間順州進枸杞表其北海作固非場屋中出萬一試日或遇此題平時不知枸杞爲何物焉能作靈根夜吠之語哉須燈窓之暇將可出之題件件編類如

初學記六帖藝文類聚太平御覽冊府元龜等書廣博搜覽多為之備向年嘗見臨安進野蠶繭及絲綿紗絹因謂同學者曰萬一以此命題中間將何鋪敘皆相顧無語其後擬一聯云屨絲織纈無惡禹貢之供水素方室不敷齊官之獻絲綿紗絹四者皆全須如此用工可也

夷狄貢獻須考證今與中國通者幾國且如安南國日本閩婆須考究在古為何國有何故事可以引用字面可以體貼如安南則有南交浪泊龍編銅柱之

舖敬此聯却工

范同表曰五門及葉垣幕非萬戶之奢肆筆縱橫形琢鄙兩都之陋

周益公代交趾進馴象表首聯云效牽靈園備法駕之前驅已見象為百用又曰名應周郊之弄路克協馭儀耳聞舜樂之八音能參率舞 靡憚奔馳幸捨

鸞飛之跼跼無煩教擾卑踏獸樂之般般曲盡馴象

生意

就試之士僅能形容畫象及塑象俱不見馴服生動態度惟益公說出象之步趨來庭之意遂

中首

華陽賀老人星見表曰金行續教顯氣肅乎西成珠緯躔空祥輝麗乎南極乾文燿潤宵景澄夷又曰薦

人君之壽既稽元命之圖表天下之安又載西京之志一時慶語無出其右

謝景思曰荆公在金陵有中使傳宣撫問并賜銀合茶藥公作表云信使恩言有華原陽寶奩珍劑增賁耶園五事見四句中言約意盡

攻媿樓公曰順州得枸杞宿根於土中其北海屬聯曰靈根夜吐變異質於千年馴騎朝馳薦聖人之萬壽眷荒裔沈藏之久實王師恢復之初物豈無知時如有待表既進天子爲之改容

誠齋楊公曰有用古人全語而雅馴妥帖如已出者介甫賀册妃表云關雎之求淑女無險詖私謁之心鷄鳴之思賢妃有警戒相成之道

四六有作流麗語者須典而不浮江文章賀神降萬歲山表云恍若壺天金成宮闕浩如玉海虹貫山川有作華潤語而重大者最不多得曾子固云鉤陳太微星緯咸若崑崙渤澥濤波不驚

起聯

東觀書林久徯漢儀之觀西嶽策府載瞻周馭之臨

東萊賀車駕
幸祕書省

皇治憲天垂宏摹於萬世史編繫日昭成法於一王

倪正父進
壽皇日懋

德茂重華接璿源而詒燕書嚴大典續寶牒以垂鴻

進壽皇
于牒

侍言虎觀陳三聖之宏規錫宴麟臺講一時之盛禮

周益公謝讀三朝
寶訓終篇夏賜

聖皇至孝荷神鑒之溥臨清廟儲祥挺靈華之秀發

說齋賀仁
英室芝草

上聖紹休丕衍洪圖之慶元儲正位茂膺顯冊之榮

陳正父賀皇
太子受冊

治繼三朝不闡詒謀之懿法垂萬世聿嚴紀事之書

西山進三朝
國史帝記

聖神御極廣推徧覆之仁動植蒙休共効太平之瑞

進五色雀瑞
麥芝草圖

聖而濟衆親成垂世之經予以馭臣例及稱藩之國

李公彥代夏國
謝賜聖濟經

烈祖文孫一本續承之懿皇支帝載兩全筆削之公

王器之進三祖類譜今上重修玉牒

三后在天軼鳴猷於今古百王冠德紀茂實於典謨

東萊進三朝國史

規摹宏遠更三聖以重光憲度著明參四書而並載

進慶元勅令格式

惟皇上帝將開與子之祥有恤閭宮肆歲尊謀之事

野處賀福高禎

舜歷在躬大一人之聖孝堯言布下輯三紀之睿謨

東萊進建紹興詔片

投戈講藝載信三代之風肆筆成書增賁七篇之訓

野處謝賜御書孟子

九月授衣駭發先庚之旨百官承式溥霑令甲之恩

同上謝冬衣

親年有永方齊箕翼之輝聖孝無前併上乾坤之策

贊太上皇帝后尊號冊寶禮成

宸德典學稽上古之聖謨帝幙疏恩錫先儒之義賚

許蒼舒代講讀官謝賜尚書正義

鑠牒編年並紀光華之旦涓辰歲事聿新尊閣之儀

傳景仁賀奉
安王牒日曆

明聖寅恭寫作宸居之監書言深潤勒為册府之珍

代宰臣進秘書省石
刻御書御製敬天圖

御府分珍煥切磋之文采使輅臨賜新指畫之威儀

龍溪謝
賜象簡

皇天篤佑忽垂象以示人聖主靈承乃側身而修行

嗟 亟銷變異宜即彝儀率籲庶工仰于淵聽星夜請
御殿復

保障瞻象既除星祲之災太僕詔王盍正朝儀之位

龍溪星變
請御正殿

竊以用事

真宗著清景之題必言省費仁祖述危竿之諭蓋謹

居高 周益公謝御
製損齋記

德如堯帝祝多子於封人聖若文王誦百男於詩雅

賀生
皇子

世祖推恩長安列六子之舍明皇廣愛華清建百孫

之居 盤州代郡
王謝賜第

周有采薇之詩因命率以衛中國漢著大風之詠期

得士以守四方

初奏謝賜御詩

拜風集

被阜以生驗漢庭之熙洽食榘而化彰唐室之隆平

滕子濟賀野鷺成雨

漢文繼統每惟代邱之優唐帝嗣圖尤軫潞宮之念

魯可宗代常德府謝賜府額

姬姓作藩未成人而賜履漢宗受社方在祿以錫封

元章簡代皇子謝

堯言布下猶資五典之傳漢制恤人尚賴六經之續

進續條寬惟詔今

永平神爵之頌孝明稱美者五人正元重九之篇德

宗考第於三等

晏元獻進詩

笙鏞列於舜陛無相奪倫管磬設於周庭既備乃奏

初察賀燕樂成

與史冊以並驅唐有嘉名之剗煥文風而可述漢稱

洪業之遵

陳益父賀奉安王牒御集

犀來徼外表章帝之重熙雉貢越常慕成王之極治

周益父交趾進象

擁篲迎門漢祖悟櫟陽之敬望樓執鞞唐宗羞與慶

麗體金膏卷八

美

之歡王屈唯志於夸毗寶冊不忘於授受奮乎百

世在我一時野處賀加
太上尊號

頌采羽於漢賢盛述威懷之應紀來牟於周雅備陳

率育之休惟效異之靈華亦騰歌於樂府莫冲五
色雀瑞

麥芝
草圖

天錫嘉符芝稱珍物俯延英之御座爰興唐帝之詩

生甘泉之齋房嘗下漢皇之詔說齋賀仁宗英宗
室前柱上生芝草

推原

烏木陽精鵲歲事方聖祚紹隆於火德適天時應

在於金穰能溪賀赤
烏白鵲

極儒者之榮獨高翰墨之選鼓天下之動莫如號令

之令矧參基命之承尤峻禁林之望王岐公謝翰
林學上承旨

皇祖有訓嘉言孔彰開創守持垂億萬年之基業都

俞吁咈振六十載之綱條皆聚此書克昌厥後周
益

公讀三朝
寶訓終篇

鋪敘形容

重陰益固應水澤腹堅之時積潤潜通迎土膏赫越

之侯常套
賀雪

有璞於此必使琢恍驚制作之工匪伊垂之則有餘

允謂便藩之賜

洪景嚴謝王帶

鳳生而五色悵丹元之已遙龍藏乎九淵驚駭珠之

忽得

呂吉父謝賜神宗御集

帝暉下矚光榮河温洛之藏天藻昭垂跨過浦橫汾

之詠

東萊賀事秘書省

金英並秀絢藻井以煌煌紫蒂駢分映萼階而蔓蔓

北海賀芝草

如玉韞石虹氣隱平山川及雲升天龍澤沛乎宇宙

南塘賀登極

函封遠致不知何國之白環篆刻孔章咸曰寧王之

大寶

同上賀玉璽

太極班朝肅延紳而咸會少陽在列粲卷服之彰施

洋洋軌範之言奕奕瓊瑤之刻温文有恪陟降欽

承將以鼓鍾對峙黃塵之仗授之璽綬交輝青輅

之旅小侯邦備物之彝陋王社初封之誥

陳正父賀皇大

子受冊

品羅羣帙岳峙大庭粲然物采之新將以鼓鐘之奏

微覽觀於宸極重尊閣於禁殿典籍聿崇小廣內

承明之秘圖書甲出會梁河温洛之祥陳盍父賈奉安王牒

御集禮成

適華編之初微叨異渥之召來析映宮除特煥寶奩

之飾歡均基鹿例陪綺席之光文韉名駿之鮮明

濃麝龍團之芬郁夸鄭漸析經之賜侈桓榮稽古

之榮輒陳歸美之章丕展逢時之慶詩哀百詠傲

麗正之磨酬句寫七言詩栢梁之聯屬徐子儀代經筵講書

宗聖政終篇謝宴湯進詩

編簡旁羅尚想古文於藏壁金絲迭奏如聆雅類於

升堂傳景仁講尚書謝宴

樂皦韶英之奏儀修弁甫之容甘醴薦令芳秩彌文

於主鬯吉日告爾字申嚴訓於臨軒賀皇子冠禮

銀潢混漾玉版闕嚴千八百國之封先乎異姓五三

六經之籍展也同符東萊賀進類譜玉牒

二后受之同歸于治萬物備矣皆聚此書萃圭璧於

綠文會日星於漆簡進寶訓

旌旗燭耀於洪河金鼓震驚於靈嶽介邱霧息已

望翠華之來沂水更生更起舞雩之詠柳子厚賀破東平

東臺瑞物冠玉璽之珍符左戶輿圖增金城之列障

呂吉甫賀元會

瑤題灑落煥東壁之星躔藻衛森羅備甘泉之法駕

奉雕輿而降格祓王座以妥安呂希純賀景靈宮奉安御容禮成

公孫數萬之詭辭披圖可見虞初九百之小說開卷

盡知 豈伊龍閣之珍藏乃作雞林之秘寶葛勝仲代

高麗謝賜太平御覽

龍盤虎伏瞻王氣以雲屯螭首龜趺據坤靈而出立

林虞謝賜都城記

用事形容

名臣畢萃踵劉珍建武之規異域旁該掩德裕會昌

之作李獻進四朝列傳

肇易編年脗合馬遷之纂次著為考紀更逾班固之

鋪張西山進帝記

遠循幽俗先九月以授衣俯陋漢儀因立春而賜帛

謝賜冬衣

徊翔有煒協周家王屋之符粹美而珍異莊子彫陸

之見龍溪賀赤

効貢毫都上掩太宗之迹伴圖蜀郡益增仁祖之光

謝齋代臨女
府進瑞麥

未聯

撮其機要誠堯典十萬之言奉以周旋取武成二三

之策姜凱謝駙
尚書正義

率群卿洎宗臣俯陋唐家之制令史官宣景耀願陳

漢頌之辭賀皇太后
上尊號

謹文王安否之問敢怠帥行書庶示仁孝之詩仰祈

札賜政婉代皇太
子謝冊命

既與在庭之多士同值文興將令就傅之百男悉從

隗始龍溪代嘉
王謝及第

寶五典之書而為訓獲舉宏綱舉三宗之事以戒王

願禪末議西山進三
朝帝紀

紀周宣舞鎬之年外攘復古按韓愈辨徐之說不戰

來戎初寮賀
自免

動鼓鐘於長樂何慙漢家為壽之儀響環佩於後宮

更邁唐室奉觴之禮周益公賀太
上皇后生辰

視淮南之書豈但矜誇於下國聽山東之詔固當禪

助於中興同上謝翰林學士

聽漢詔於山東少補中興之治布堯言於天下庶無

內相之慙同上

事傲石渠稱制仰勤於臨決才非山甫有司終愧於

哲明攻媿進吏部去

讀列聖之錄諒思風烈之如存上庶事之歌所冀明

良之交勅徐子儀讀聖友終篇進詩

惟禮可以為國願廣曼嬰之言非道不敢陳前竊效

孟軻之敬西山謝禮部侍郎

賜宮錦而嘉草詔之能雖非敢望即金鏡而擢任賢

之要知所自期謝翰林學士

舜裳五色慚微裨補之長燕駿千金願廣招徠之意

謝衣帶鞍馬

書大事而小則簡牘願殫細素之勤藏名山而副在

京師終冀汗青之望野處進三朝帝紀

鼎飪養賢省已難勝於異數樽酒納約愛君期盡於

愚衷西山謝講易終篇賜宴

願偕髦士稱。械樸之能。官人載詠。詩章思采。繁之不。

失職。

倪正文代進士謝賜射推賞

君已知言笑。惑坐移於三舍。臣當守職。泰階願獻於

六符。

龍溪代宰臣星變謝放罪

鄭衣又改為兮。莫副尚賢之目。禹黻無聞。然矣永肩

歸美之誠。謝春衣

使忠臣得盡其心。敬忘周詩實篚之意。如羣生有以

自樂。願推漢詔賜帛之仁。

繼中興聖統之編。式符瑞應。陋皇室維城之錄。未究

編摩。進玉牒

修長樂之注。已觀景耀之宣。誦思齊之詩。更侈徽音之嗣。

宋四六摘句

居域中而大者四庶兼形高厚之功王天下而樂者

三冀長奉庭闈之養周必大德壽宮上
太上皇后尊號箋

鍊石而補皇天不愧女媧之巧得道而坐少廣莫知

王母之年 囊弓戢矢早知武王十亂之功含飴弄

孫行應堯帝多男之祝周必大賀皇
太后八十箋

呼萬歲者三歡騰朝野等百世而上福衍子孫文天
祥壽

崇節賀皇
太后箋

念終始典于學於緝熙殫厥心司馬光進
稽古編表

薰絃播奏散為花下之風蒼玉雕鐫秘作升中之典

王禹偁謝免和御製元日除夜詩表

念官師所以卒歲恐天下有受其寒 爛然晝鮮煦

若春至 和氣暢肢顧折膠而何畏大恩壓已憂稱

服以為難宋初謝衣襖表

唯疾之憂每上煩於君父不能者止晚得請於朝廷

許佩寵榮歸掃松楸之壠庶緣蕭散得全滿柳之

年 扶衰遠去豈尊鱸適為子秋風銜戀何言冀利

馬未先于朝露

汪藻代劉相謝給展省先筮表

韞而藏諸匱宜逾袞袞之榮東以立於朝敢替書紳

之戒應松湖代謝玉帶表

白鳥九子天矜反哺之情丹鳳十行雨施流根之澤

謂能仕而教之忠子承父訓故率親則等而上人

欲天從而臣月雲為家漁樵爭席三春寸草莫報青

陽之暉億載萬年永祈黃屋之壽

楊萬里謝以男長孺官係升朝該遇

如祀大禮封叙通奉大夫表

雖帝余更生不使身罹干災異然人譏周勃罔知職

在于陰陽 君已知言熒惑坐移于三舍臣當守職

泰階願獻于六符

汪藻謝放罪表

馬援謗深誰與辨明於蕙實義之誓苦但期終老於

蘭亭 念父母之于厥子惟疾痛之為憂而天地之

于群生俾飛潛之各遂 甘山林之寂寞一洗五十

七年之非憑香火之因緣 上祝億千萬歲之壽

李綱謝免

湖南路安撫大使兼知潭州依舊宮祠表

祿足以代其耕遂免啼饑之患食焉而忘其事難逃

尸素之譏 友麋鹿侶魚蝦自適優游之願先狗馬

填溝壑敢忘報效之恩

鄭丙謝宮祠表

陳力就列不能者止投閑置散乃分之宜 燭青藜

而談古豈復與英俊游立白茅而祝釐尚長使聖人

楊萬里辭免漢州人得祠進職謝表

雷霆所擊寧忘失箸之憂日月有明忽照覆盆之下

人謂去珠之再得自憐墮甑之猶全 半九十里

深嗟末路之難取三百厘徒切素餐之媿

樓鑰謝宮觀表

寵榮既溢其涯憂患亦隨而至 況今時不乏士物

咸遂生息雁去來固不為於多少鳶魚上下皆自適

於飛潛 俾其解組宮庭還車故里披裘散髮逍遙

垂盡之年鑿井畊田歌詠太平之樂

歐陽修蔡州再乞致仕第二表

群材方茂蒲柳未秋而先衰衆駿並馳駑駘中道而先乏風波憂畏而慮已深疾病侵凌而老亦至

口日誦于田間身坐負于祿利可畏至公之議何施

有覲之顏

歐陽修蔡州再乞致仕第三表

伏况微臣本無宿疾偶值醫者用術乖方殊不知脉候有虛實陰陽有逆順診察有標本治療有先後妄投湯藥率任情意差之指下禍延四肢浸成風痺遂難行步非祇憚炎鑿之苦又將虞心腹之變勢已及

此爲之奈何雖然一身之微固未足卹

九族之

託良以爲憂


呂詢奏乞致仕表

豈唯老馬之罔棄復許見犀而後行 雖固野水白

鷗之岸未離春風玉筍之班大隱而乃隱於朝廷在

外而如在于王室

楊萬里謝致仕轉通議大夫除寶文閣待制表



安徽巡撫臣朱珪跪

奏為恭謝

天恩事乾隆五十九年四月二十九日內閣奉

上諭朱珪進御製論史古文閱其後跋以朕論史之
文紬繹推闡有因史成經紹六為七之語但朕自
臨御以來宵旰勤求幾餘典學凡史冊內有關政
治者偶經論斷為之折衷而見諸設施者方且引
以為愧朱珪跋語固非鋪張揚厲泛為諛辭究屬
稱頌過當第觀其文義尚為典核著賞給紗扇筆

墨等件以示獎勵此冊並著諸皇子及皇孫編恩
各繕一部預備陳設欽此五月十一日臣賈摺差
官捧到

恩賞臣庫紗二端葛紗二端扇二匣香二匣筆二匣
墨二匣臣隨出郊跪迎至署恭設香案望

闕叩頭祇領臣竊惟典謨出紀言之筆以堯舜
而進為經春秋剛載事之書雖遊夏而窮於贊
龍門以下遂少折衷虎觀之談更多同異臣幸
得探源

御集景泉

聖謨合正別史而成鉅親綜大小言而歸定案光中
鏡照由百世等百王井底管窺書萬紙誦萬遍
方愧童蒙之喻日忽聞
寵賚之自天

十人逾優導揚益拙欽惟我

皇上單心典學運掌數猷啓成參治理之原發篋洞
古今之會識大識小皆良史述者謂明立德立
功非空言措之為政陳二十四編之炯鑑經神

更買寶書證五十九載之

純勤史論獨詮心學其義則取天人決於

皇綸先行而從左右蒼爲

帝範臣曾遊東觀慙薰班馬之香欣遘

中天上揭雲龍之紀

萬幾有暇釐治忽於

堯心小物不遺燭神姦於

禹鼎

聖不自

聖經綸方懋於

天行醇乎其醇

論著爲章於漢倬伏念編摩有志何能析義

麟經翼注無知亦欲矢音鳳竹乃荷

絲言下逮益著淵冲更聞

玉冊分書式昭法守此誠億載寰中之福尤極小臣

望外之榮

惠出上方輝分下土冰絲却暑依

帝澤而生涼風葛搖輕被

天恩而增重積歲鸞坡之夢潤灑飛花駢行龍輔之

賓暗呵研露金爐添馥隔重霄而尚染

御香瑞筵來薰率八郡而共揚仁扇臣業疎鑽仰詞

竭賡颺學海徒驚呼嵩倍切向輯經林

鉅製已沐

崇褒今繙史聖

全編再膺

渥澤從此簪毫吮筆莫罄

力重著錄之多銘佩書紳長欣四表光華之被所有

臣感激榮林下忱謹繕摺恭謝

天恩伏祈

皇上睿鑒謹

奏

安徽巡撫臣朱珪跪

奏為恭謝

天恩事乾隆五十八年十二月二十一日准辦理軍
機處封寄到乾隆五十八年十二月初十日內
閣奉

上諭昨安徽巡撫朱珪進御製說經古文閱其後跋
以朕說經之文刊千古相承之誤宜羣經未傳之
蘊斷千秋未定之案開諸儒未解之惑頌皆過堂
但歷舉朕敬

天法

祖勤政愛民各大端見諸設施者與平日闡發經義實有符合語皆紀實並非泛爲諛詞夫六經爲治世之書內聖外王之道無不賅備若止尋章摘句僅能得其糟粕無由探索精微即使窺見義蘊垂諸著述不能躬體力行亦屬空言無補朕臨御以來勵精圖治維日孜孜幾餘典學于詩書六藝之文偶有闡發俱與政治相關卽義疏相承舛訛未正者爲之折衷定論亦有裨于世道人心凡平日出

治之要皆可與說經之言相印証蓋發爲文章者胥應見諸政事我世世子孫果能善繼善述欽承法守學于古訓見諸躬行以朕之心爲心以朕之政爲政則是我國家億萬年無疆之庥朕于茲有厚望焉此冊著諸皇子及皇孫綿恩各繕寫一部並將此旨冠于簡端將頒設諸處以垂久遠至朱珪于御製古文紬繹推闡能見其大跋語尤得體要殊屬可嘉著賞給筆墨等件以示獎勵欽此並臣賚摺差官捧到

恩賞臣筆兩匣墨兩匣大荷包一對小荷包五個金
八寶一分金錢四枚金錠四枚臣隨出郊跪迎

至署恭設香案望

闕叩頭祇領訖臣跪

恩言榮肇

殊錫感深莫措

寵極真驚伏念臣學陋蟲雕識微蠡測何足繪摹

天日颺贊

高深欽惟我

皇上文學緝熙

堯章巍煥

百四十四篇之經訓日月光懸

八千大千世有心傳孔姬道貫

作而善述合文思動文子

人

君實兼

師示

心學躬行于萬禩臣悅中誠服熟讀深維雖尊

聖而莫贊一辭擬觀經之願書萬本綴尺松于部婁

詎益泰山挹杯水于望洋難探環海何知

天大亦許管窺弁以

皇綸發無疆之精奧垂為

家學寫有典之楷模

獎勵優加便蕃

特賚燦五花于象管蒼頡霏珠潤甘笏之隄麋墨

雲涌壁金盤千縷匪伊垂之帶有餘寶萃八琛

維其時矣多且旨佩當心而如意人十五雲鑄

保定而宜春錢珍萬選惟金三品妙製丹車銀

甕之祥作服五章實分

藻火山龍之飾臣業荒蠹簡敢誇稽古之榮

恩重

龍光竟荷如

天之福惟有體

聖言而宣

上澤勤敷實意于一方庶期保

皇極而勵臣衷長仰蕃釐于

萬歲所有臣感激榮忭下忱謹繕摺恭謝

天恩伏祈

皇上睿鑒謹

奏

安徽巡撫臣朱珪跪

奏為恭謝

天恩事乾隆五十八年正月初一日臣遞摺差官回

省賚捧到

恩賞臣玉如意一枝貂皮褂一件臣謹出郊跪迎至

署恭設香案望

闕叩頭祇領拜服訖欽惟我

皇上

保定九如

惇庸五德光華

佛筵湧寶意於金輪繪繡

堯章褻錦衣於玉藻紫閣

紀十全之烈輯瑞從心翠雲

臨萬國之朝振裘挈領

舜球在握指揮開葱嶺之山

禹服同珍皮織貢渠搜之國乃荷非常

顏色寵藉儒臣何期

好賜功良榮傳疆吏頌來

天府正迎元日之禧春益江城恰映豐年之雪巷衢

艷羨僚案欣觀舞以揚休拜手惟祝

天恆健服而見美章身則抱

日知暄臣學陋蟲雕稱慙鵝翼昔分

香案柄談忝張敞之儀豐蔚春袍英粲飾齊嬰之

儉伏願

天意長知人意慶喜起於

萬壽萬年

賜衣更頌

宵衣調燠。寒於四和。四極所有。臣榮幸歡忭。感激舞

蹈。下忱謹摺恭謝。

天恩伏乞

皇上睿鑑謹

奏

浙江學政臣阮元謹

奏謝

賜御筆熱河考並

御識墨刻一卷摺

欽惟我

皇上學海探源地符開遠

德誠法

祖那居。駐濕水之陽。

功在信

天拓地極崑山以外道元標夫錘石未登齊老之峯茅

拜賜集

溝會於湯泉僅見蒲昌之海昔

著考而濡流已判今

加識而河曲愈明臣伏思濡水久訛河源彌遠舜禹

之世畧在西荒漢唐以來陷於絕國惟我

皇上削平四部落休養卅餘年金河百道何異

山莊武列之川禹貢一篇未及

御製河源之考蓋能通二萬里未通之地故得決四

千年未決之疑且以漢使之行久羈西域明脩

之志徒守南音持節者未必身親操筆者徒知

耳食豈如今一介之使逕達真源九譯之言胥

歸

聰聽此又因

武德之無遠弗届故拓地而及天池

文學之無所不精故審音而刊元史紀畧既修以後

宇內雖有專書熱河作者在前卷中必須

題識貞珉繼勒初分筆彩於華箋翠帙頻頒更仰

恩光於墨寶

浙江學政臣阮元謹

奏謝

賜御筆筆誤識過墨刻一卷摺

欽惟我

皇上典考唐虞道積今古

萬幾咸理事皆

親御丹豪半字偶殊

文乃特鑄翠墨昔知過以

著論

聖人之言已滿堂茲識過以

摘辭周武之銘仍在筆臣竊思天行至健有過度之
餘差地闢无疆見殊途之歸轍見爲誤實爲無
誤之驗識爲過豈有或過之時况乎考道德於
百王時以積而成古聚典謨於千古事因積乃
可稽稽之訓同見堯典康成之註積之爲義詳
荀卿勸學之篇因異而轉以見同是二而還知
爲一辭文旨遠知

聖論之無不包容氣盛理明讀

奎章而彌深悅服

浙江學政臣阮元謹

奏謝

賜御筆兵部奏凱兵丁各歸營伍及福康安奏西藏

善後事空詩墨刻共二卷摺

欽惟我

皇上健本自強機由親握我戰則克七勝

題圖好謀而成

十全作記中樞決策將將兼以將兵後藏詰戎歸降
繼以歸順虎符銅節權不寄於本兵銀幣金瓶

事皆秉於駐藏故調發如身之使臂而經畫若網之在綱是皆稟

乾行不息之精神遂長立史冊未聞之

功業夜未央而秉燭屢

問封章日已映而傳餐更杼

宸翰司馬循驛傳之職紀其事者五百言回疆同善

後之宜廣其製為四十韻臣曾瞻

丹筆復

賜翠珉額頌知

恩深被

墨雲之澤弄藏惟謹常承

御氣之垂

